

Te Ara a Tāwhaki
NZCL 6-8 Ngā Toi Ataata
Mahere Kaupapa Mahi

Kua whakaputaina tēnei rauemi matihiko e Toi o Tāmaki rāua ko Te Rūnanga Hautū Mātauranga Toi o Aotearoa (ANZAAE), 2022. Manatārua: mahi toi © e ai ki ngā kupu tāpiri; tuhinga © e ai ki ngā kupu tāpiri, nā Toi o Tāmaki. rānei.

<p>Kaupapa Mahere Subject Overview:</p>	<p>Te Ara a Tāwhaki</p>
<p>Te Taumata i Te Marautanga o Aotearoa NZ Curriculum Level:</p>	<p>6-8</p>
<p>Ngā Pūkenga Matua Key Competencies:</p>	<ul style="list-style-type: none"> ✓ Te whakahaere whaiaro • He whakawhanaunga • Te whai wāhi me te whakatakoto whakaaro ✓ He whakaaro ✓ He whakamahi i te reo, i te tohu, i te tuhinga
<p>Wheako Whakaakoako Ka ako koe i roto i tēnei kaupapa mahi:</p>	<p>Ka hōpara tēnei kaupapa mahi i te tikanga whiti-ritenga a Reweti Arapere me tana whāinga auaha ki te kapo ake i ngā āhuatanga o ētahi rangatira Māori rongonui e toru. I tipu mai ake tātou me ngā kōrero o ngā toa nā rātou tātou i whakaaweawe kia whāia ngā mahi inati, ahakoa he tangata tūturu, he hautipua rānei. I roto i ngā mahi a Arapere kei te mihia e ia te matakite o ngā kaihautū Māori i hautū ai i te reo Māori, i te toi, i te mātauranga, otirā nā tā rātou whakatutū puehu, akiaki hoki, i whakatō i ngā kākano e whai mōhio ai āna tikanga mahi.</p>
<p>Ngā Whāinga Paetae Achievement Objective(s):</p>	<ul style="list-style-type: none"> ✓ UC - Kia Mārama ki ngā Toi Ataata e ai ki tōna Horopaki <ul style="list-style-type: none"> • Tūhuratia te pūtake o ngā mea me ngā ata nō ngā ahurea o mua, o nāiane hoki, ka tautohu ai i ngā horopaki i hangaia ai, i mātakihia ai, i matapoporetia ai. ✓ PK - He Whakawhanake i te Mātauranga Ā-Ringa <ul style="list-style-type: none"> • Tūhuratia ētahi tikanga mahi-toi, te whakamahi mātauranga o ngā āhuatanga me ngā mātāpono kua kōwhiria mā roto i ngā rauemi me ngā hātepe. ✓ DI – Te Whakawhanake Ariā <ul style="list-style-type: none"> • Whakawhanakehia, whakamātauria anō ngā ariā ataata hei urupare ki ētahi whāinga, tirohanga, pohewatanga hoki, e tautokona ana e ngā rangahau i ngā mahi a ngā ringa toi. ✓ CI –Whakawhiti Kōrero, Kimi Tikanga <ul style="list-style-type: none"> • Whakaahuatia ō rātou ake ariā me ngā mea a ētahi atu, me ngā ata hei whakawhiti kōrero.

Horopaki me ngā Uara
Context and Values:

He akoranga ā-horopaki:

- ✓ He tirohanga ki te hītori Māori me te hītori koroni o Aotearoa
- ✓ Te hāngai o te reo me te mātauranga Māori
- ✓ Te whakawhanake i tētahi māramatanga o ngā toi ritenga Māori, whiti-ritenga hoki

Ngā Uara:

- Te Hiranga
- Te auaha, te pakirehua, te mahira
- ✓ Te kanorau
- ✓ Te pono me te whakaute
- ✓ Mana Ōrite
- Toitū ā-hauropi
- ✓ Te hapori me te whai wāhi

Rauemi Toi
Materials:

- He pukapuka huahua A4, he pepa rānei
- He pene rākau, he pene, he pene whītau, he peita, he pene peita, he peita rehu
- Ngā paraihe peita
- Adobe Illustrator/Photoshop, Procreate
- Ngā pene whītau whakaniko
- Ngā rauemi hangarua (kei roto pea, engari kāore i whāiti ki):
 - * Ngā pouaka pepa mārō
 - * Ngā toenga peita whare

Rauemi, Putunga Kōrero
(pukapuka, rauemi ipurangi)
Resources and Material
(books, websites, etc.):

[Toi Tū Toi Ora: Contemporary Māori Art](#), Te Taiwhanga o Toi o Tāmaki

Ka kitea ētahi atu rauemi i te wāhanga o 'Ngā Raupapatanga Ako' i raro, i te tuhinga o 'Ētahi Mātāpuna' rānei.

Te Tiriti o Waitangi The Treaty of Waitangi

‘Kotahi te kōhao o te ngira e kuhuna ai te miro mā, te miro pango, te miro whero.’

‘There is but one eye of the needle, through which the white, black and red threads must pass.’

– Pōtatau Te Wherowhero, 1858

E whakanui ana tēnei kaupapa mahi i te Tiriti o Waitangi mā te tuku āheinga ki ngā ākonga ki te:

- Whakauru ake ki ngā mahi ako i ahu mai i te ao Māori
- Kia mārama ki te pānga o ngā hītori koroni o Aotearoa me te pānga ki te Māori.
- Kia mārama ki te toi Māori puta noa i tētahi raupapatanga
- Te ako i ētahi kupu Māori
- Kia uaratia ngā tikanga o ngā ritenga toi Māori, whiti-ritenga hoki.

Ngā Pūkenga Ako Matua / Ngā Pūkenga Whakawhiti Key Learning Competencies/ Transferable Skills

Te Whakaaro: Ka whakaaro te ākonga mō te take e whakamahia ai ngā tikanga, ā, mā ēhea tikanga e puta ai te hua e hiahiatia ana. Ka whakawhanaketia te mahi whakaaro me te reo matatini i te wā o te hātepe hanga toi i te wā e whakawhiti ana, e whakamārama ana hoki ngā ākonga i te hōhonutanga o te whakaaro. Ko tā te hanga mahi toi he whakaara i te whakaaro, i te pakirehua, i te huritao, i te tātari, i te whakatau, i te hanga auaha.

Te Whakahaere whaiaro: Ahakoa ko te mahi toi he whakaaturanga whaiaro, he urupare rānei ki tētahi tono, take rānei, ka tautokona ngā ākonga toi ataata kia mōhio ki te pūtakenga mai o te horopaki me te horopaki e mahi ana rātou. Ka uru ki tēnei te whakahaere whaiaro - ko te mārama ki te hira o tōna ake mātauranga, me te mārama hoki ki tōna tirohanga e tāraihia ana e tōna horopaki ake, me te mōhio anō ko taua wheako, ehara i te wheaako ahuwhānui.

Te whakamahi reo, tohu me te tuhinga: Ka whakamahi te ākonga i te reo, i te tohu, i te tuhinga, i roto i tāna mahi toi. Ka mārama ia ki te reo motuhake o tēnā pekanga toi, o tēnā pekanga toi, i a ia e whakamahi ana i ngā ariā me te mātauranga e pā ana ki te hātepe mahi toi.

**Ngā Hononga ki ērā atu
Wāhanga Ako
Cross-Curriculum Links**

Tikanga ā-iwi: Hītori o Aotearoa / Māori.

Te reo ataata: He whakamahi i te reo ataata i akohia ai i te hātepe mahi-toi.

Te Reo Māori: Te mārama ki ngā kupu i te horopaki o te whakataukī, waiata, me ngā pūrākau o Aotearoa.

Toitūtanga: Te hangarua ake i ngā rauemi kua whakamahia kētia.

Ngā matatau ā-rangahau: Ngā pūkenga tauwhāiti o te ipurangi me te whare pukapuka.

Pāngarau: Ngā pānga riterite me ngā whakamāori āhuahanga.

Te mātauranga iwi taketake: Te taumanu o te tuakiri me te ahurea.

**Momo Whakaako
Mahere Ako**

**Putanga ako –
Learning intentions**

Ka taea e ngā ākonga te:

- Ako i ngā paearu matua o te hanga toi Māori.
- Whakawhanake i te māramatanga o ngā momo toi Māori.
- Whai mōhiotanga o te hītori ahurei o Aotearoa me tōna pānga ki te tangata whenua i tēnei rā.
- Ako i ngā whakapāwera i pā ki te Māori me te aranga mai o ngā rangatira mai i aua wā.
- Hōpara, te whakamahine me te whakawhiti i ō rātou ariā toi mā te urupare ki tētahi tangata rongonui e whakaata ana i tōna tuakiri, ahurea, mātāwaka rānei.

**Aromatawai –
Taunakitanga angitu**

Ka whanake mai te mārama o ngā ākonga ki te hātepe hanga toi mā ngā tikanga auaha me te hōrapatanga ā-ariā a ngā ringatoi Iwi Taketake.

I runga anō i ngā tikanga mahi a Reweti Arapere, ka hangaia e ngā ākonga ā rātou ake tāraitanga whaiaro e pā ana ki tō rātou ake tuakiri.

Te Raupapa Ako Teaching and Learning Sequence

1. Ngohe Tuatahi: Toi Māori

- I tēnei wāhanga, ka whai māramatanga ngā ākonga ki ngā wāhanga e toru o te toi Māori, pērā i ērā i whakamāramatia e Ahorangi Robert Jahnke. He mea nui te miramira ake i ngā paearu e kīia ai te toi Māori he toi Māori. Me whai whakaaro te whānuitanga o ngā rautaki reo matatini i mua i te tuku i tēnei wāhanga ako hei āwhina i ngā ākonga me ngā ngohe e whakaakona ana.

2. Ngohe Tuarua: Ringatoi Māori

- Te wāhi te kaupapa rānei, Te Poropiti Wairua a *Reweti Arapere*, 2020, *Poropiti Rongomau*, 2020 me te *Poropiti Toi*, 2020, i runga i te pātū. Whakamahia te 'Te Rautaki Waiora' hei wetewete i te hanganga me te akiaki i ngā ākonga ki te tuhi/whakarārangi/whakaingoa i ngā mea e kitea ana. Nā, me pōhiri i te akomanga ki te whakamārama i ngā mōhiohio i tuhia/whakarārangitia/ whakaingoa e ngā ākonga.
- Me tīmata te mahi a te akomanga i ngā tūmahi 1 me te 2 o te 'Ngohe Aromatawai'.

3. Ngohe Tuatoru: Toi Māori Taketake

- Tīmataria te wāhanga ako mā te mahi haere me te kōrerorero i te tuhinga o 'Te Whakaahuatanga i roto i te Toi'.
- E hoki ki te 'Ngohe Aromatawai', ā, ka whakaoti i ngā tūmahi 3, 4, me te 5

4. Ngohe Tuawhā: Kaupapa

- Tīmataria he kōrerorero mō Te Tiriti o Waitangi ki te kite he aha ngā mea e mōhio ana tō akomanga mō te tuhinga tūāpapa o Aotearoa. Whakaaturia te ataata poto '[He aha te wetetāmi?](#)', e hōrapa ana i te tūkinotanga o te Māori me ngā pānga o ērā e kitea tonu ana i tēnei rā. Ka hōrapa tā Finnian Galbraith '[Te hiranga o te whakahua tika i ngā kupu Māori](#)' i te hiranga o te whakahua, inakoa ngā ingoa tāngata me te whakamahinga o te reo.
- E hoki ki te 'Ngohe Aromatawai', ā, ka whakaoti i te tūmahi 6.

5. Ngohe Tuarima: Whakatinana

E hoki ki te 'Ngohe Aromatawai', ā, ka whakaoti i tēnei:

- Tūmahi 7: Mā te whakamahi i tā Arapere momo tikanga, me tūhura ia ākonga i tētahi tangata rongonui (hei tauira, he hautipua, he pūkenga, he poropiti, he tuatangata rānei) e hono ana ki tōna ake tuakiri. Me whai whakaaro te ākonga ki ōna whakapapa, tōna ira tangata, ngā whakaawetanga o mua rānei. Kātahi ka whakakī haere i te tātauira haurongo o te tangata i kōwhiria.
- Tūmahi 8: Me rangahau te akomanga, me kōhi hoki i te 10-12 whakaahua e hāngai ana ki tana kōwhiringa.
- Tūmahi 9: Me whai whakaaro ngā ākonga ki ngā pūkenga o tō rātou kōwhiringa otirā me pēhea te whakaatu mā roto i ngā hua o te rangahau i kohia. Kātahi ka mahia e ngā ākonga tō rātou ake tāraitanga o te tangata rā.

Ngā Rauemi

Ngā rauemi i tēnei mahere kaupapa ako:

- 'He aha te Toi Māori?'
- 'Ngā Wāhanga Toi Māori'
- 'Te Whakaahuatanga i roto i te Toi'
- 'Te Rautaki Waiora'
- 'Ngohe Aromatawai'

[Pākati Pakemana, Kereama Taepa](#), Te Taiwhanga o Toi o Tāmaki

[A Crucifixion, Reuben Paterson](#), National Gallery of Victoria

[Poorman, Beggarman, Thief \(Poorman\), Michael Parekōwhai](#),

Te Puna o Waiwhetū

[ATA: a third reflection, Robert Jahnke](#), Pātaka Art + Museum

(tirohia te rārangi PDF)

[Gizzy Gothic, Tawhai Rickard](#), PAULNACHE

Reweti Arapere:

- '[Reweti Arapere](#)', Te Taiwhanga o Toi o Tāmaki
- '[Reweti Arapere Kohinga Toi Tuihono: Mō](#)', Reweti Arapere
- '[Reweti Arapere: Rangimatua](#)', The Dowse Art Museum

[Te Aka Māori Dictionary](#)

['Rongopai](#)', Hītori o Aotearoa

['He aha te wetetāmi?'](#), RNZ

['Ko te hiranga o te whakahua tika i ngā kupu Māori'](#), Finnian

Galbraith/YouTube

Poukapa Aromatawai	Taumata Marautanga: 6–8	Ngā Whāinga Paetae: CI, DI, UC, PK
--------------------	-------------------------	------------------------------------

Taunaki Ako:	Tūāpapa	Matatau	Ringarehe
Whakawhiti kōrero, kimi tikanga	Kua tīmata ngā ākonga ki te whakataurite, ki te whakatairite i ngā huarahi huhua e whakamahia ai i roto i ngā hātepe mahi toi, hei kawē i ngā kōrero mō ētahi mea, mō ētahi ata.	Kei te mōhio te ākonga ki te whakawhiti whakaaro mō ngā hātepe mahi toi; kei te mōhio ia ki te whakamahi i te ataata whai tohu, i te mea, i te whakaahua.	Kei te mōhio ngā ākonga ki te whakaputa i te mahi toi hou tonu e kawē nei i ngā ariā whaitake, i ngā hātepe mahi toi e whakamahi ai i te ataata whai tohu, i ngā mea, i te whakaahua.
Whakawhanake ariā	Kua tāraihia e ngā ākonga ngā ariā hei urupare ki ngā take maha, tae atu ki te āta titiro ki ngā tikanga kua roa e ū ana ki te mahi toi.	Kua tāraihia, kua whakapaitia e ngā ākonga ngā ariā hei urupare ki ngā take maha, tae atu ki te āta titiro ki ngā tikanga kua roa e ū ana ki te mahi toi.	Kua tāraihia, kua whakapaitia e ngā ākonga ngā ariā hou tonu hei urupare ki ngā take maha, tae atu ki te āta titiro ki ngā tikanga kua roa e ū ana ki te mahi toi.
Whai māramatanga ki te toi ataata me tōna horopaki	Ka taea e ngā ākonga te tautohu, ā, kua tīmata hoki te tūhuratanga kia whai whakaaro ki te hononga i waenga i te whakaputanga o ngā mahi toi me ō rātou ake horopaki me ngā whakaawetanga.	Ka taea e ngā ākonga te tūhura me te whai whakaaro ki te hononga i waenga i te whakaputanga o ngā mahi toi me ō rātou ake horopaki me ngā whakaawetanga.	Ka taea e ngā ākonga te tūhura me te urupare whaiaro ā-whai whakaaro, ā-hōhonu hoki ki te hononga i waenga i te whakaputanga o ngā mahi toi me ō rātou ake horopaki me ngā whakaawetanga, me te hononga tauwhāiti ki te rangahau motuhenga a te ākonga ki tāna ake tangata rongonui me tōna ake tuakiri.
He whakawhanake i te mātauranga ā-ringa	I tino whāia e ngā ākonga te tikanga mahi toi a Arapere ki te whakaatu i tāna ake tangata rongonui.	Kua āta kōwhiria e ngā ākonga, kua whakamahia hoki ngā tohu e pā ana ki tāna ake tangata rongonui.	Kua hoahoatia anō e ngā ākonga ngā tohu e pā ana ki tāna ake tangata rongonui. Kua kōwhiri hoki i ētahi atu rauemi e tino hāngai ā-whakaaro nei i tana tangata rongonui.

Arotake

Ka pēhea te arotake i te wāhanga nei. Mā te ākonga e arotake? Mā te kaiako?